



Vita de ploania y de paisc

- **Comune de Mareo:** en jöbia ai 21 d'aorí vegnel tigní ales 20:00 te Ciasa dles Uniuns l'encuntada dl'aministrazion de Comune con la popolaziun. Düc é bel enviés.
- **Munt de Fanes:** en dedolönesc ai 19 d'aorí, ales 20:00 tla ostaria Gran Ciasa vegnel tigní la sontada dla munt de Fanes. Düc chi co á enteres é der bel enviés.



Enformaziuns y termins

KVW Seniorencub: en jöbia ai 21 d'aorí fajunse en pelegrinaje a Canale d'Agordo, post de nasciüda de Albino Luciani, Papa Jan Paul I. I piun ia ales 7.30 con le bus dal Cone demez. A Canale d'Agordo sarál na santa messa abelida dal Cor dai Seniorenc. lade, marena y vijita al Museo costa endöt 40,00 €. Da se prenoté pa Lidia Taibon, ☎ 339 7899107.

La Ciasa de Palsa chir n cogo/na cöga a tomp plen y personal a puzené. Enformaziuns plü monüdes sön www.ciasadepalsa.it o ☎ 0474 524794.

Le ASC Mareo - seziun palê met ince eniann da jí 10 apuntamonc de sport, divertimont y movimont por mituns y mitans dles prömes trei classes dla scora elementara (nia por chi co soga belo te na squadra U 10). Al gnará pitê de vigne sort de jüc y divertimont, por stê adöm, te en grup y fa movimont alaleria. Les encuntades met man en dedolönesc ai 19 d'aorí y jará ennant cina ai 26 de ma (endöt 12 iadi), entres de dedolönesc y de jöbia dales 15:00 ales 16:00 ca. te ciamp dal Sport a Ciamaor. L'iscriziun pó gní fata pla pröma encuntada (19.04). Da paí sarál endöt 60,00 € a möt/möta! Por comunicaziuns o domandes podeise contatè Max Obwëgs Max, ☎ 388 7273400.

La fede nella risurrezione di Gesù e la speranza che Egli ci ha portato è il dono più bello che il cristiano può e deve offrire ai fratelli. A tutti e a ciascuno, dunque, non stanchiamoci di ripetere: Cristo è risorto!

Papa Francesco

Bona Pasca a düc canc tla pêsc de Crist rosserí.

| | | |
|----------------------|--|--------------|
| Döt le bun a: | Florian Ellecosta, Campitello di Fassa | * 19.04.1938 |
| | Ludwig Willeit | * 20.04.1937 |
| | Davide Willeit, Bornech | * 21.04.1947 |
| | Vittoria Trebo Winkler, Balsan | * 23.04.1939 |
| | y a düc chi co á santennom y compless i agn cöst'edema | |

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

17.04.2022 - GRAN FESTA DE PASCA

n. 21



☞ St.Ap 10, 34a.37-43 | Col 3, 1-4 | 1 Cor 5, 6b-8 | Jan 20, 1-18

Dal Vangelo do San Jan:

¹Le pröm dé dal'edema, é Maria da Mágdala jüda da doman adora, canch'al ea ciamó scür, fora dla fossa y á odü che la pera ea tuta demez dal sepolcher. ²Ara é saltada debota da Sciomun Pire y dal discepul, a chel co Gejú ti orea bun, y ti á dit: An á tut le Signur fora de sepolcher, y i ne san nia, olach'an l'á motü. ³Danlö é Pire y l'ater discepul jüs ia y fora y é roés fora dal sepolcher; ⁴ai ea saltés entrami deboriada, mo deache l'ater discepul ea plü asvelt co Pire, é chel roé por pröm dal sepolcher. ⁵Al s'á cüfé jö y ete y á odü les fascas de lin ia por tera, mo al n'é nia jü ete. ⁶Dertan ea ince roé adalersch Sciomun Pire, co ti gnea do, y é jü ete tal sepolcher. Al á odü les fascas de lin ia por tera ⁷y la peza dal assöus co ea stada söle ce de Gejú; ara n'ea nia pa les fascas de lin, mo dlungia, lobrida adöm te n post despartí. ⁸Spo é ince jü ete l'ater discepul, co ea roé por pröm dan le sepolcher; al á odü y á cordü. ⁹Ai ne capia nia ciamó la Scritöra, che al messâ pö rosserí dai morc.

I ponsun do: *Gejú n'é con söa ressureziun nia gnü zoruch ala vita söla tera, mo al é rosserí te en monn nõ. So corp é sen trasformé y tól pert ala gloria de Dio. Enschiö pó les porsones ma plü odei Gejú sce el se dá da conesce pa eres; ares é ma bones da l'odei sce ares á veramonter fede te el. Ples porsones co ti orea bun a Gejú aldía dandadöt Maria de Mágdala y spo Pire y Jan. Chisc ô sen sei ci che al é sozedü con le corp de Gejú. Ai ciafa la fossa öta y met man da creie ala ressureziun y söa fede ven confermada canche ai encunta le Rosserí. Valiade se sontiunse tan malsogüsc dan dal message dla fede, desco i discepuí dan la fossa öta; mo sc'i chiriun Chel Bel Dio é cösc n pröm vare de fede.*

Vesco Wilhelm Egger "Sonntagsbibel"



☞ Letöres dla Secunda domegna de Pasca - Domegna blancia
St.Ap 5, 12-16 | Rev 1, 9-11a.12-13.17-19 | Jan 20, 19-31

Edema liturgica dai 17.04. ai 24.04.2022

| | |
|--------------------|---|
| DOM 17. | GRAN FESTA DE PASCA <i>Eberhard, Rudolf, Max Josef</i> |
| 08:30 | salüde ala festa, "Vidi aquam", gran messa ciantada solena por dōta la ploania, benedisciun dal signé , → <i>oferta por nosc Cor</i> ♪ <i>Wolfgang Amadeus Mozart, Missa brevis in C "Spatzenmesse"</i> |
| 14:00 | espi da festa y benedisciun eucaristica |
| <i>10:00</i> | <i>s.m. a Al Plan</i> |
| Lön 18. | LÖNESC DE PASCA <i>Aya, Sabina, Alexander</i> |
| 08:30 | s.m. por † Sr. Maria Rosalia Daverda, Jerghele/Verona s.m. d'aniversar por † Ida Frontull, Mareo s.m. d'aniversar por † Jan Maneschg, da Poz |
| Ded 19. | d'l'otava de Pasca <i>Leo IX., Werner, Friedrich</i> |
| 07:30 | s.m. de rengraziamont en onú de Santa Maria dal Bun Consei s.m. por les Püres Armes |
| Dem 20. | d'l'otava de Pasca <i>Hildegund, Odette, Wilhelm</i> |
| Jöb 21. | d'l'otava de Pasca <i>Anselm da Canterbury, Konrad da Parzham</i> |
| 19:30 | s.m. por † Monica Peslalz Rubbú, Tlea/Genova s.m. por les Püres Armes |
| Ven 22. | d'l'otava de Pasca <i>Wolfhelm, Cajus</i> |
| <i>07:30</i> | <i>s.m. a Al Plan</i> |
| Sab 23. | d'l'otava de Pasca <i>Georg, Iorz (patron da Pliscia), Adalbert, Fortunato</i> |
| → 07:30 | s.m. por † Maria Rigo ved. Bergmeister, Rara/Weitental s.m. por † Jep Konrater, Biei |
| <i>18:00</i> | <i>s.m. prefestia a Al Plan</i> |
| DOM 24. | Secunda domegna de Pasca - Domegna blancia <i>Fidelis, Wilfried, Theodor</i> Domegna dla misericordia de Chel Bel Dio |
| 08:30 | gran messa por dōta la ploania <i>oferta fonds de soliadrieté dal clero</i> s.m. de rengraziamont por 50 agn de matrimone de Franz y Albina Obojes s.m. por † Regina Trebo ved. Hochgruber, Bolser/Bornech s.m. en onú de Santa Maria y Sant'Ojep por na persona amarada |
| 15:00 | <i>a Pliscia, s.m.</i> en onú de San Iorz |
| <i>ampola:</i> | do entenziun de na familia |
| <i>ministronc:</i> | • dedolönesc y sabeda: Elisabeth y Nadine • jöbia y domegna: Samuel y Rosina |
| <i>i recordun:</i> | Jan Maneschg † 18.04.2019 Ida Frontull † 18.04.2020 Matthias Ellemunter, Sexten † 21.04.2019 |

Ostergebet

Guter Gott, durch die Auferstehung
deines Sohnes Jesus Christus hast
du dem Tod die Macht genommen.
Du sagst uns: Das Leben ist stärker
als der Tod.
Dafür danken wir dir und bitten dich:
Mach uns bereit, diese Botschaft mit
offenen Ohren zu hören.
Lass uns einstimmen in das Osterlob
und in unseren Herzen singen:
Chrisus ist Auferstanden.
Auf ihn hoffen wir.

Bona Pasca!

*Rosserí y se fá coraji do vigne dolur.
Rosserí y s'an anfidé da speré da nõ
do vigne delujiun.
Rosserí y ciaré da se gní do vigne strit.
Rosserí y ciaté n tru nõ do vigne fal.
Rosserí y odei n de nõ do na net scõra.
Rosserí – atlo y sen
y vigne iade proé da capí
empü' deplü, de Pasca.
Cõsta è mia aodanza por te!*

Regenbogen

📖 Romagn pa nos, Signur, alleluia!

Emmaus

Gejú, tō nosc compagn de iade, **ví con nos**
Gejú, tō compagn plen de comprenjiun, **ví con nos**
Gejú, tō compagn co ciara de nos, **ví con nos**
Gejú, tō compagn co conesc bun le tru, **ví con nos**
Gejú, tō compagn plen de pazionza, **ví con nos**.
Canche i stontun da capí Chelbeldio, **ví con nos**
Canche i sun desplajüs dai trus de Chelbeldio,
ví con nos
Canche nosta fede ven debla, **ví con nos**
Canche nosta speranza se destöda, **ví con nos**
Canche nosc amur se röa, **ví con nos**
Canche dübi nes tormenteia, **ví con nos**
Canche i n'odun plü degün significat, **ví con nos**.
Sõn le tru fora por le desert, **ví con nos**
Sõn le tru cuntra la liberté, **ví con nos**
Sõn le tru fora dla tema, **ví con nos**
Sõn le tru cuntra le lominus, **ví con nos**
Sõn le tru dal dolur, **ví con nos**
Sõn le tru dla ligreza, **ví con nos**
Sõn le tru dal falimont, **ví con nos**
Sõn le tru cuntra la gloria, **ví con nos**
Sõn le tru demez da nos enstesc, **ví con nos**
Sõn le tru devers nüsc fredesc, **ví con nos**
Sõn le tru devers nosc pere, **ví con nos**.
Tō che te se deides avei fidonza, **ví con nos**
Tō che te se deides avei fede, **ví con nos**
Tō che te se deides avei speranza, **ví con nos**
Tō che te se deides avei amur, **ví con nos**.
Tō vegnes te nosta vita, **resta pa nos!**

"Parores por vigni momënt"



*Ai baiâ danter ei de dõt ci co ea
sozedü. Dertan ch'ai baiâ y se cuntâ
sü ponsiers, él gnü pormez Gejú y é
jü empara. Y al ti spiligâ, metenn
man da Mosé y da duc i profec, ci
ch'al sta scrit te dōta la Scritōra
porsora de d'el.*

*Gejú saiâ da orei jí ennant, mo ei
dijea: "Romagn pa nos, ch'al ven
presc da sera y le de s'an va."
Al é jü ete empara, por resté con ei.*



*Y canch'al ea empara pa mesa
ál tut le pan, á dit l'apric de lalt,
l'á rot jō y ti l'á dé.
Sen s'á daurí sü edli
y ai l'á conesciü.*

*„Ne se vardea nia le cõr, canch'al
baiâ con nos sõn tru y nes spiligâ les
Scritōres?“ (Lc 24, 13-35)*